

110

28. des.

## L Ö G

um heimild fyrir ríkisstjórnina til að selja prestssetursjörðina Vatnsleysu í Viðvíkursveit, er prestssetur verður flutt þaðan.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Ríkisstjórninni er heimilt að selja Hólmjarni Jósefssyni Hólmjarn prestssetursjörðina Vatnsleysu í Viðvíkursveit, er prestssetur verður flutt þaðan, fyrir það verð og með þeim greiðsluskilmálum, er um semur, enda verði jörðin jafnframt gerð að ættaróðali.

2. gr.

Lög þessi öðlast þegar gildi.

*Gjört í Reykjavík, 28. desember 1950.*

Sveinn Björnsson.

(L. S.)

*Hermann Jónasson.*

111

28. des.

## L Ö G

um tekjuskattsviðauka, lækkun skatts af lágtekjum o. fl.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Auk skatta þeirra, sem í 6. gr. laga nr. 6 1935, sbr. 1. gr. laga nr. 20 1942, og í lögum nr. 21 1942 getur, skal árið 1951 leggja á tekjur ársins 1950 skattaauka samkvæmt eftirfarandi reglum:

Af skattskyldum tekjum lægri en 8000 kr. greiðist enginn skattauki.

Af skattskyldum tekjum yfir 8000 kr., en undir 9000 kr., greiðast 2%.

Af	9—10 þús. kr. greiðist	20 kr. af	9 þús. kr. og	4 % af afgangi.
— 10—12 — — —	60	— —	10 — — —	5 — — —
— 12—14 — — —	160	— —	12 — — —	6 — — —
— 14—17 — — —	280	— —	14 — — —	7 — — —
— 17—20 — — —	490	— —	17 — — —	8 — — —
— 20—25 — — —	730	— —	20 — — —	9 — — —
— 25—30 — — —	1180	— —	25 — — —	10 — — —
— 30—40 — — —	1680	— —	30 — — —	11 — — —
— 40—100 — — —	2780	— —	40 — — —	12 — — —
— 100—125 — — —	9980	— —	100 — — —	10 — — —
— 125—150 — — —	12480	— —	125 — — —	7 — — —
— 150—200 — — —	14230	— —	150 — — —	5 — — —
— 200 — — —	16730	— —	200 — — —	— — —

## 2. gr.

Um álagningu, gjalddaga, lögtaksrétt, viðurlög og innheimtu þessa skatts fer að lögum um tekjuskatt og eignarskatt (sbr. lög nr. 20 20. maí 1942, 14. gr. a.).

111

28. des.

## 3. gr.

Ákvæði laga nr. 60 25. maí 1950, um sérstaka lækkun tekjuskatts af lágtekjum, skulu gilda til ársloka 1951.

## 4. gr.

Tekjuskatt og tekjuskattviðauka 1951 skal umreikna svo sem verið hefur samkv. ákvæðum a-liðs 14. gr. laga nr. 20 1942, og skal miðað við umreikningstölu 340.

## 5. gr.

Nú er skattur samkv. lögum þessum, tekju- og eignarskattur og stríðsgróðaskattur, eigi greiddur fyrir næstu áramót eftir að hann var álagður, og skal þá greiða 1% dráttarvexti fyrir hvern mánuð eða brot úr mánuði, sem greiðsla dregst frá þeim áramótum.

## 6. gr.

Lög þessi öðlast þegar gildi.

*Gjört í Reykjavík, 28. desember 1950.*

Sveinn Björnsson.

(L. S.)

Eysteinn Jónsson.

## L Ö G

um framlenging á gildi III. kafla laga nr. 100/1948, um dýrtíðarráðstafanir vegna atvinnuveganna.

112

28. des.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

Ákvæðin um tekjuöflun, sem sett eru í III. kafla laga nr. 100/1948, skulu gilda til 31. des. 1951, með þeim breytingum á 21., 24., 26. og 30. gr. laganna, sem greinir í 2.—5. gr. hér á eftir.

## 2. gr.

Í stað „6% söluskatt“ í 21. gr. laganna komi: 7% söluskatt.

## 3. gr.

24. gr. laganna orðist þannig:

Fyrirtæki þau, sem skattskyld eru samkv. 22. gr. laga þessara, skulu senda skattstjóra eða skattanefnd skýrslu um sölu sína á hverjum ársfjórðungi, þ. e. jan.—marz, apríl—júni, júlí—september og október—desember. Skal skýrslan afhent í síðasta lagi innan 15 daga frá lokum hvers ársfjórðungs. Einnig skulu þau innan sama frests greiða til innheimtumanna ríkissjóðs söluskatt þann, er þeim ber að standa skil á fyrir ársfjórðunginn. Síðasti dagur framtalsfrestsins telst gjalddagi alls skattsins fyrir þann ársfjórðung, hvort sem skatturinn er fram talinn eða ekki.